

134

228

Julig ar Ververo Kousk Breiz-Izel

Me 'gave d'in, gwech dimezet,
Julig ar Ververo,
 N'am ije graet netra ebet,
Juliver tonti, juliver tonton,
Julig ar ververo,
Daoulagad a skuilh daelo...

Padal e renkan ober toud,
 Aoza krampoez ha frita youd.

Ar pezh a gavan gwasoc'h c'hoaz,
 Eo pilat lann gant va zreid noaz....

Dimezet 'oun d'eun ever gwin
 A ya d'an davarn bep mintin.

Ar gwin a ev leiz e weren
 N'eo ket gwin ruz, met gwin melen.

D'an davarn e ya mintin mat,
 D'ar gêr e teu gwall ziwezat.

Neuze 'kommans al langachou,
 Ar malloziou, ar bac'hadou.

Ne glevan ken nemet — « Kers kuit !
 « An ti 'zo d'in, ar maes 'zo d'it ! »

An dud yaouank, pa zimezont,
 Ne ouzont ket petra 'reont.

C'houi, tud yaouank dizimez c'hoaz,
 'Raok dimezi grit mat ho choaz !...

An heol a zo kuzet, setu echu an de,
 Me glev ar c'hloc'h o tintal an Ave ;

DISKAN

Kousk, kousk, Breiz-Izel, bros dispar,
 Setu an noz o tont war an douar.
 Kousk, Breiz-Izel, bro ker mad,
 Trouz ar mor bras a zav d'az luskellat.

C'houez vad an ed e bleun hag al lan alaouret
 War ar mêziou gant ar gliz noz a red.

Ar bastored a gân, o tastum o loened ;
 Gwerziou Breiz-Izel n'int ket c'hoaz kollet.

En traoniennou didrous, me glev kêr an eostig ;
 Telenner-nouz, sonit flour ha dousik.

Us da Vreiz o skedi, an nenv steredennet
 A lâz 'z eus eun Doue ouz hor c'haret.

An neb a c'houez bemdez a c'hounid e repoz,
 D'an dud vad Doue en deus graet an noz.

Arvor, ô douar sakr, a greiz kalon m'ho kar,
 Bro all ken kaer n'eus ket war an douar !

J. MARECHAL.

SILVESTRIK

Etre chapel Sant Efflam ha tosenn Mene Bre,
 'Zo eun offiser yaouank gantan eur pezh kleze,
 'Zo eun offiser yaouank o sevel eun arme,
 Me 'm eus eur mab Silvestrik a lavar mont ive.

— Siouaz, Aotrou Kabiten, 'm eus ken mab nemetan,
 Ganen c'houi 'po 'r vadelez da lezel anezan.
 — Allaz ! tad koz maleuruz, ar marc'had 'zo sinet ;
 Touchet en deus an arc'hant, d'an arme 'rank kerzet.

A-berz an tad glac'haret, war dachenn ar vrezel,
 Eun dervez eul labousik a nij a denn-askel :

— « Deiz mad d'eoc'h c'houi, Silvestrik, deiz mad ha
 [levenez,
 Penaoz ema ho yec'hed, ho nerz hag ho puez ?

— Disken 'ta, labous bihan, disken war da zaou droad,
 Ma skrivin d'it eul lizer da gas d'ar gêr d'am zad :
 « Yac'h eo ho mab Silvestrik, yac'h ha laouen bepred ;
 « Dizale e tistroio war-zu e vro garet. »

An tad bemnoz ha bemdez ne baouez da zonjal
 En e grouadur yaouank en arme e Bro-C'hall ;
 E kreiz an noz, ec'h hunvre hag e stag da ouela :
 « Aotrou Doue, Silvestrik, petra deu da veza ! »

Pa oa an tad glac'haret oc'h ober e glemmou,
 Setu e vab Silvestrik 'toull an nor o selaou ;
 « Paouezit, tad ankeniet, paouezit da ouela ;
 « Sellit ho mab Silvestrik 'zo digouezet ama ! »

Dastumet gant P. Tr.